



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Nezavisni odbor

Broj: 01-04- 24-3-1 /26

Sarajevo, 17.02.2025. godine

SKUPŠTINA KANTONA SARAJEVO


OVDJE

PREDMET: Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period juli – septembar 2025.godine - dostavlja se

Nezavisni odbor na sjednici održanoj dana 17.02.2026. godine razmatrao je Izvještaj o radu policijskog komesara Uprave policije Ministarstva unutrašnjih poslova Kantona Sarajevo za vremenski period juli– septembar 2025. godine, a u skladu s članom 45. stav 5. Zakona o unutrašnjim poslovima Kantona Sarajevo ("Službene novine Kantona Sarajevo" broj: 1/16, 26/19, 31/19 i 39/20), te isti dostavlja Skupštini Kantona Sarajevo, informativno.

PREDSJEDAVAJUĆI NEZAVISNOG ODBORA

Adis Šečić





NEZAVISNI ODBOR

Broj: 01-04-24- 3 /26

Datum: 17.02.2026. godine

Na osnovu člana 45. stav (1) tačka 5. Zakona o unutrašnjim poslovima Kantona Sarajevo („Službene novine Kantona Sarajevo“, broj: 1/2016, broj: 6/2019 - autentično tumačenje, broj: 26/2019, broj: 31/2019 i broj: 39/2020) i člana 8. stav (1.) tačka 10. Poslovnika o radu Nezavisnog odbora („Službene novine Kantona Sarajevo“, br. 13/22 i 52/22), Nezavisni odbor Skupštini Kantona Sarajevo podnosi:

I Z V J E Š T A J

o radu Policijskog komesara Uprave policije Ministarstva unutrašnjih poslova Kantona Sarajevo za period 01. juli – 30. septembar 2025. godine.

Nezavisni odbor Skupštine Kantona Sarajevo je sačinio detaljni tromjesečni izvještaj o radu Policijskog komesara na osnovu sljedećih pokazatelja:

- Izvještaja Policijskog komesara o svom radu za period juli-septembar 2025. godine,
- Informacija o aktivnostima Uprave policije za mjesec juli, august i septembar 2025. godine,
- Informisanja Nezavisnog odbora od strane Policijskog komesara na redovnim sjednicama u toku izvještajnog perioda,
- Informacija Uprave policije po raznim događajima, koje su tražene od strane Nezavisnog odbora tokom izvještajnog perioda,

kao i druge relevantne informacije za sačinjavanje izvještaja.

1. Organizacija i sistematizacija radnih mjesta u Upravi policije

U skladu s Pravilnikom o unutrašnjoj organizaciji Ministarstva unutrašnjih poslova Kantona Sarajevo br. 01-7-02-4934/21 od 16.02.2022. godine, u Upravi policije ukupno je 2.436 sistematizovanih radnih mjesta, i to 2.122 (87,11%) radnih mjesta za policijske službenike, 73 (3%) za državne službenike i 241 (9,89%) za namještenike.

Prema podacima iz službenih evidencija nadležne organizacione jedinice, na dan 30.09.2025. godine, poslove i zadatke upražnjena su 633 radna mjesta policijskih službenika (29,83%) izvršilaca. Upražnjeno je 40 (16,6%) sistematizovanih radnih mjesta namještenika, te 21 (28,77%) mjesto državnih službenika.

Na dan 30.09.2025. godine, ukupno 19 (1,28%) policijskih službenika je suspendovano.

Ukupno 32 (2,14%) policijskih službenika bila su na bolovanju dužem od 42 dana, dok je u izvještajnom periodu ukupno 335 (22,5%) policijskih službenika bilo spriječeno za rad po osnovu bolesti. Ukupan broj dana bolovanja je 4.058 radnih dana.

U izvještajnom periodu penzionisano je 10 policijskih službenika, 01 državni službenik i 03 namještenika.

Prema podacima iz službenih evidencija u Upravi policije MUP-a Kantona Sarajevo, na dan 30.09.2025. godine, upražnjena su 633 (30%) radna mjesta policijskih službenika.

2. Rukovođenje Upravom policije, te neposredno usmjeravanje i koordinacija operativnih aktivnosti iz oblasti kriminaliteta, javnog reda i mira, te saobraćaja;

Policijski komesar je u izvještajnom periodu osiguravao saradnju sa drugim policijskim organima i agencijama za sprovođenje zakona BiH, tužilaštvima i međunarodnim organizacijama po pitanjima iz nadležnosti Uprave policije (redovni i vanredni sastanci), te organizovao redovne kolegije načelnika Uprave policije MUP KS.

3. Kriminalitet

3.1. Statistički pokazatelji

U periodu od 01. jula do 30. septembra 2025. godine, na području Kantona Sarajevo, prema službenim evidencijama Uprave policije MUP-a Kantona Sarajevo, evidentirano je 967 događaja s obilježjem krivičnog djela, što je za 100 ili 11,5% više u odnosu na uporedni period prošle godine. Od ukupnog broja povećanja krivičnih djela, 66% se odnosi na krivično djelo „Nasilje u porodici“. Od ukupnog broja registrovanih događaja s obilježjem krivičnog djela, njih 534 ili 55,22% evidentirano je po poznatom, a 433 ili 44,78% po nepoznatom izvršiocu. Naknadno je rasvijetljeno 327 događaja s obilježjem krivičnog djela evidentirana po nepoznatom izvršiocu, od čega 249 događaja prijavljenih u posmatranom periodu, a 78 ranije. Prijavljeno je 806 osoba (154 ili 23,6% više), od kojih 455 povratnika u vršenju krivičnih djela, što je za 94 ili 26% više u odnosu na uporedni period, i ova kategorija čini 56,45% od ukupnog broja prijavljenih. Među prijavljenima je 14 maloljetnika, što je za 03 ili 17,6% manje u odnosu na uporedni period. Ukupno 350 osoba je lišeno slobode, što je za 53 ili 17,8% više.

Za događaje s obilježjem krivičnog djela, prema izjavama oštećenih, nastupila je materijalna šteta u ukupnom iznosu od 1.010.148,00, 127.200,00€ i 4.950,00\$ – **ukupne protuvrijednosti u KM: 1.267.623,00 KM** što je za 214.835,8 BAM manje u odnosu na uporedni period.

U izvještajnom periodu, Uprava policije MUP-a Kantona Sarajevo je Kantonalnom tužilaštvu KS prosljedila na odluku putem administrativnog djelovodnika ukupno 485 obavijesti (20 manje), od čega je naknadno rasvijetljeno 47 (23 više) i prosljeđeno tužilaštvu pod brojem iz krivičnog upisnika kao događaj s obilježjem krivičnog djela.

Najviše krivičnih djela evidentirano je u PU Novi Grad (180 ili 18,6%), a najmanje u PU Vogošća (34 ili 3,5%).

4. Javni red i mir

4.1. Statistički pokazatelji

Tokom izvještajnog perioda, u oblasti protiv javnog reda i mira evidentirano je 1.649 prekršaja, što je za 390 ili 31% više u odnosu na uporedni period.

Prijavljeno je 1.736 osoba, što je 387 ili 28,7% više u odnosu na uporedni period. Evidentirano je 568 povratnika u vršenju prekršaja, odnosno 32,8% od ukupno prijavljenih, kao i 05 maloljetnika i 21 strani državljanin. Izdato je ukupno 1.496 prekršajnih naloga (447 ili 42,6% više) i podnijeto 156 zahtjeva za pokretanje prekršajnog postupka (70 ili 313% manje). Većina počinitelaca (46%) su osobe starije od 36 godina. Na prekršaje utvrđene Zakonom o prekršajima protiv javnog reda i mira odnosi se 1.575 što je 95,5% od ukupnog broja prekršaja, a na prekršaje utvrđene odlukama općinskih vijeća o javnom redu i miru odnosi se

74 prekršaja ili 4,5%. Prilikom narušavanja javnog reda i mira 03 osobe su zadobile lakše povrede (05 ili 62,5% manje).

Najviše prekršaja evidentirano je na području PU Stari Grad i PU Ilidža (po 304 ili 18,4%), a najmanje u PU Ilijaš (41 ili 2,5%).

4.2. Javna okupljanja

Policijski komesar je preduzeo potrebne aktivnosti na procjeni stanja sigurnosti, planiranju i neposrednoj realizaciji svih značajnijih javnih skupova na području Kantona Sarajevo, te od Sektora za policijsku podršku, Sektora kriminalističke policije i Sektora uniformisane policije zatražio sačinjavanje cjelovite analize u vezi s provedenim mjerama i radnji prilikom vršenja osiguranja, kao i podatke o ostvarenim rezultatima i uočenim nedostacima za vrijeme provođenja aktivnosti na osiguranju.

Policijski službenici Uprave policije proveli su planske aktivnosti u cilju bezbjednog održavanja 716 javnih skupova (88 ili 10,9% manje), a u 171 slučaju izvršeno je KDZ osiguranje.

U izvještajnom periodu održan je određeni broj većih javnih skupova kojima je prisustvovalo cca **475.000 posjetilaca**.

4.3. Pratlje i osiguranja

Policijski službenici Uprave policije MUP-a Kantona Sarajevo su izvještajnom periodu izvršili 168 saobraćajnih osiguranja, 72 pratnje ličnosti i delegacija, 704 pratnje vanrednih/vangabaritnih prevoza i 77 drugih pratnji.

5. Saobraćaj

5.1. Statistički pokazatelji

Na području Kantona Sarajevo tokom izvještajnog perioda evidentirano je 3.752 saobraćajne nezgode, što je za 1.133 ili 43,3% više u odnosu na uporedni period. Od ukupnog broja nezgoda, njih 3.483 su sa materijalnom štetom (1.099 ili 46,1% više) – što čini 93% svih nezgoda, a 269 s nastradalim osobama (34 ili 14,6% više). Za 2.340 saobraćajnih nezgoda sa materijalnom štetom (67%), učesnici su popunili Evropski obrazac saobraćajne nezgode.

5.2. Posljedice saobraćajnih nezgoda

Tokom izvještajnog perioda, u saobraćajnim nezgodama poginulo je pet osoba (dvije više) – tri vozača, jedan putnik i jedan pješak. Povrijeđeno je 345 osoba, od kojih je 59 (17,1%) zadobile teške tjelesne povrede, a njih 286 (82,9%) je lakše povrijeđeno.

Među teško povrijeđenima su 22 vozača (37,3%), 17 putnika (28,8%) i 20 pješaka (33,9%).

Među lakše povrijeđenima je 206 vozača (72%), 63 putnika (22%) i 17 pješaka (6%).

5.3. Uzroci saobraćajnih nezgoda

Izvještaji pokazuju sljedeću distribuciju uzroka saobraćajnih nezgoda:

- nepropisno izvođenje radnji u saobraćaju – 573 ili 15,3%
- neprilagođena brzina – 376 ili 10%
- kretanje vozilom unatrag na kratkom dijelu puta – 234 ili 6,2%
- nedržanje potrebnog odstojanja – 124 ili 3,3%
- negiranje prvenstva prolaza – 26 ili 0,7%
- nedržanje vozila u kretanju što bliže desnoj ivici kolovoza – 25 ili 0,7%
- obaveza vozača prema pješacima – 14 ili 0,4%
- uticaj alkohola – 08 ili 0,2%
- prolazak kroz crveno svjetlo – 03 ili 0,08%
- nepoštivanje saobraćajnih znakova – 03 ili 0,08%
- nepropisno parkiranje – 02 ili 0,05%
- nepropisno preticanje – 01 ili 0,03%

- nepropisno kretanje vozilom u raskrsnici – 01 ili 0,03%
- gradnja objekta na putu – 01 ili 0,03%
- nije osigurao vozilo prilikom izlaska – 01 ili 0,03%
- teret na vozilu – 01 ili 0,03%
- umor – 01 ili 0,03%
- *ostali* uzroci – 2.358 ili 62,8%

5.1. Preduzete aktivnosti iz oblasti sigurnosti saobraćaja

Policijski komesar je naložio pojačane kontrole vozača, višestrukih povratnika u činjenju najtežih oblika prekršaja, s posebnim akcentom na prekršaje koji se odnose na prekoračenje dozvoljene brzine kretanja motornih vozila, prolaska kroz raskrsnicu na znak uključenog crvenog svjetla, upravljanje motornim vozilom pod dejstvom alkohola, upravljanje motornim vozilom u vrijeme izrečene zaštitne mjere zabrane upravljanja motornim vozilom, upravljanje neregistrovanim vozilom ili nakon isteka važnosti registracije i vršenja nedozvoljenih radnji vozilom u saobraćaju.

U sklopu tih aktivnosti, policijski službenici su kontrolisali ukupno 66.566 vozila i vozača, što je za 15.126 vozila više u odnosu na uporedni period. Zbog kršenja propisa, vozačima je uručeno 97.425 prekršajnih naloga (23.433 više), te je podneseno 1.045 zahtjeva za pokretanje prekršajnog postupka (793% više). Registrovano je 35 događaja s obilježjima krivičnog djela zbog ugrožavanja sigurnosti saobraćaja, što je za tri manje u odnosu na uporedni period.

Zbog prekoračenja brzine, vozačima je izrečeno 48.393 prekršajnih sankcija, dok je za prekršaj prolaska raskrsnice na znak uključenog crvenog svjetla izrečeno 946 prekršajnih sankcija.

Zbog tehničke neispravnosti, iz saobraćaja je isključeno 138 vozila (35 više), 1.051 vozač je zatečen da vozilom upravlja pod dejstvom alkohola (13 manje), 910 vozača je sankcionisano zbog nekorištenja sigurnosnog pojasa (97 manje), 481 osoba je zatečena da upravlja vozilom bez položenog vozačkog ispita (207 više), 146 vozača je zatečeno da vozilom upravljaju u vrijeme izrečene zaštitne mjere zabrane upravljanja motornim vozilom (52 više), 1.078 vozača je sankcionisano zbog nepropisnog korištenja mobitela tokom upravljanja vozilom (327 manje). Otkriveno je 1.285 vozila da učestvuju u saobraćaju bez važeće registracije (482 manje).

U izvještajnom periodu, od višestrukih povratnika u vršenju prekršaja iz oblasti ZOOPS-a, **privremeno je oduzeto 11 vozila.**

U izvještajnom periodu provedeno je ukupno 14 kantonalnih akcija pojačanih kontrola vozača i vozila, u kojima je kontrolisano 777 vozača, gdje je izdato 680 prekršajnih naloga i podnesena jedna prekršajna prijava.

U izvještajnom periodu, u vrijeme pojačane frekvencije saobraćaja na glavnoj gradskoj saobraćajnici, policijski službenici Jedinice za saobraćaj, su u jutarnjim (07.00-09.00) i poslijepodnevnom (15.00-17.00) satima radnim danima, vršili fizičku regulaciju saobraćaja na sljedećim raskrsnicama:

- Hiseta – Hamze Hume – most „Skenderija“,
- Zmaja od Bosne – Fra Anđela Zvizdovića – Vrbanja,
- Prva Transverzala – Zmaja od Bosne,
- Zmaja od Bosne – Hamdije Čemerlića.

Zbog izvođenja radova zamjene nosača svjetlosne saobraćajne signalizacije (portala), na raskrsnicama:

- Maršala Tita – Fra Anđela Zvizdovića – Vrbanja (dva portala),
- Zmaja od Bosne – Halida Kajtaza (dva portala),
- Zmaja od Bosne – Hamdije Čemerlića (1 portal),
- Zmaja od Bosne – Topal Osman paše – Ložionička (1 portal), i
- Zmaja od Bosne – Malta – Azize Šaćirbegović – Vilsonovo šetalište (1 portal),



u skladu s Rješenjem Ministarstva saobraćaja KS, policijski službenici su vršili privremenu obustavu saobraćaja i usmjeravanje kretanja motornih vozila alternativnim pravcima.

U aktivnostima kontrole saobraćaja u mirovanju, vozačima koji su vozila nepropisno parkirali na javnim površinama, uručeno je 28.942 prekršajnih naloga (6.250 više), dok je izdato upozorenje za 20 vozača (179 manje). Zbog nepropisnog parkiranja, specijalnim vozilom "pauk" premješteno je 977 vozila (421 više).

„Znak pristupačnosti“

Naredbom Policijskog komesara provodi se Plan postupanja policijskih službenika „Znak pristupačnosti“ koji se odnosi na provođenje pojačanog nadzora i kontrole znaka pristupačnosti, odnosno parkiranja na parkirališnim mjestima označenim za osobe s invaliditetom. U periodu 01.07-30.09.2025. godine, na području Kantona Sarajevo izdato je 315 prekršajnih nalog vozačima koji su vozila nepropisno parkirali na mjesta predviđena za osobe s invaliditetom. Iz istog razloga, 29 vozila je uklonjeno „paukom“.

U cilju objektivne procjene potrebe za postavljanjem radara na području Kantona Sarajevo, formirana je **Ekspertna radna grupa za razmatranje inicijativa za postavljanje novih jedinica stacionarnih radara i ocjenjivanje opravdanosti inicijativa**, broj 01-30-1-4378 od dana 05.10.2021. godine, te Rješenja o izmjeni rješenja, broj 01-30-1-4378-3/21 od 19.10.2023. godine. Ekspertna radna grupa je u izvještajnom periodu evidentirala sljedeće:

- zaprimljeno je ukupno 09 novih inicijativa za postavljanje novih jedinica stacionarnih radara;
- 04 inicijative ocijenjene kao "opravdane", 02 inicijative su ocijenjene kao "nisu opravdane", 02 inicijative zbog nepotpunog zahtjeva nisu razmatrane, dok za jednu inicijativu se vrše terenske provjere.

Juli 2025:

- Inicijativa vijećnika Općinskog vijeća Stari Grad Anesa Kurtanovića kojom se traži postavljanje stacionarnog radara za kontrolu brzine kretanja vozila u ulici Put Mladih Muslimana, raskrsnica kod samouslužne autopraonice "Car-Wash", općina Stari Grad, inicijativa ocijenjena kao „neopravdana“.

August 2025:

- Inicijativa vijećnika Općinskog vijeća Novi Grad kojom se traži postavljanje stacionarnog radara za kontrolu brzine kretanja vozila u ulici Safeta Zajke, prema IX transverzali, inicijativa ocijenjena kao „opravdana“.

Septembar 2025:

- Ulica Ive Andrića (dio) IX transverzale, od raskrsnice ulica Bulevar Meše Selimovića do raskrsnice s ulicom Olimpijska - Safeta Hadžića, općina Novi Grad, inicijativa ocijenjena kao „opravdana“;
- Ulice Aleja Bosne Srebrene (u blizini JU "Gerontološki centar"), raskrsnica ulica Semira Frašte i Bosanska, inicijativa ocijenjena kao „neopravdana“;
- Ulica Džemala Bijedića na dionici od broja 160 do IX transverzale, općina Novi Grad, inicijativa ocijenjena kao „opravdana“;



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

- Ulica Huseina Đoze, saobraćajnica uz rijeku Željeznicu od dječijeg igrališta do sportske plohe, ulica Igmanska cesta i ulica Francuske Revolucije, općina Ilidža, inicijativa ocijenjena kao „neopravdana“.

5.5. Preduzete aktivnosti nakon saobraćajnih nezgoda sa smrtnom posljedicom ili teške tjelesne povrede kod tri ili više osoba

U periodu od 01.07.2025. godine do 30.09.2025. godine na području Kantona Sarajevo evidentirane su četiri saobraćajne nezgode koje su za posljedicu imale smrt ukupno četiri osobe. Tom prilikom smrtno je stradao jedan pješak, jedan vozač motornog vozila, jedan motociklista i jedan putnik u motornom vozilu. Kod jednog vozača i dva putnika nastupile su teške tjelesne povrede, dok su kod jednog vozača i dva putnika nastupile lakše tjelesne povrede. Napominjemo da se jedna od navedenih saobraćajnih nezgoda dogodila u junu, ali je smrt motocikliste, kao posljedica povreda zadobijenih u saobraćajnoj nezgodi, nastupila kasnije (05.07.2025. godine).

6. Ostali poslovi i aktivnosti Policijskog komesara

Policijski komesar je preduzimao sve mjere i radnje, uvažavajući zakonske i podzakonske odredbe, prioritete date od strane Vlade Kantona Sarajevo, Komisije za sigurnost Skupštine Kantona Sarajevo i Nezavisnog odbora Skupštine Kantona Sarajevo, a tokom izvještajnog perioda ostvario je kvalitetnu saradnju s ministrom unutrašnjih poslova KS.

6.1. Saradnja s drugim organima i tijelima i postupanje u oblasti radno-pravnog statusa uposlenika Uprava policije

Tokom izvještajnog perioda, prema dinamici u skladu s potrebama i Planom rada za 2025. godinu, donijeta su rješenja za uposlenike Uprave policije MUP-a Kantona Sarajevo koja proizilaze iz radno-pravnog statusa i drugi akti.

U pogledu upravnog rješavanja (drugostepeni postupak, za oblasti u kojima odlučuje Policijski komesar shodno utvrđenim nadležnostima), u izvještajnom periodu postupljeno je po žalbama na rješenje prvostepenog organa u predmetu izdavanja odobrenja za nabavljanje oružja B kategorije u skladu sa Zakonom o držanju i nošenju oružja i municije (“Službene novine Kantona Sarajevo”, br. 1/18, 13/18 i 30/19) i Zakona o upravnom postupku (“Službene novine Federacije BiH”, br. 2/98, 48/99 i 61/22), te su donesena četiri drugostepena rješenja kojima se žalba odbija kao neosnovana.

U izvještajnom periodu, predstavnici Uprave policije MUP-a Kantona Sarajevo kao članovi Radne grupe za poduzimanje aktivnosti na implementaciji Zakona o zaštiti na radu FBiH čiji je zadatak izrada Nacrta Prijedloga pravilnika o zaštiti na radu MUP-a Kantona Sarajevo i Uprave policije MUP-a Kantona Sarajevo učestvovali su u radu iste. Također, sačinjen je Prijedlog Uredbe o smještaju, čuvanju i postupanju sa privremeno oduzetim predmetima od strane policijskih službenika Uprave policije MUP-a Kantona Sarajevo.

Informacija o proceduri provođenja Javnog konkursa za popunu slobodnih radnih mjesta policijskih službenika Uprave policije MUP-a KS u činu “Policajac”



Čin „Policajac“ – 200 izvršilaca

- ✓ Komisija za izbor je u proceduri po Javnom konkursu za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu "POLICAJAC"- 200 izvršilaca, objavljenom 07.11.2024. godine, u mjesecu julu postupala po žalbi jednog kandidata na Listu kandidata sa rezultatima postignutim na svakom testu, konačnim rezultatima svih kandidata koji su pristupili testiranju, kandidata koji su isključeni iz procedure odabira, objavljenoj na web stranici i oglasnoj ploči Ministarstva dana 27.06.2025. godine.
- ✓ Nakon što je dostavljena konačna odluka drugostepenog organa, sačinjena je i Policijskom komesaru na odobrenje dostavljena Konačna lista kandidata koji će biti predloženi za osnovnu obuku za kadete po Javnom konkursu za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu "POLICAJAC" - 200 izvršilaca.
- ✓ Po dobijanju saglasnosti Policijskog komesara, kod nadležne organizacione jedinice Uprave policije – Jedinice za profesionalne standarde, inicirano je pokretanje postupka sigurnosnog provjeravanja za ukupno 159 kandidata. Na web stranici i oglasnoj ploči Ministarstva dana 25.07.2025. godine, objavljeno je Obavještenja za kandidate u kojem su naznačeni termini i detalji sigurnosnih provjera.
- ✓ Kandidati su tokom augusta i septembra 2025. godine podvrgnuti sigurnosnim provjerama, te sigurnosno provjeravanje i dalje traje.

Čin „Policajac“ – 220 izvršilaca

- ✓ Komisija za izbor imenovana rješenjem Uprave policije br. 02/5-1-30-1-3872 od 07.08.2025. godine, sačinila je i dana 30.09.2025. godine objavila Javni konkurs za popunu slobodnih radnih mjesta policijskih službenika u Upravi policije Ministarstva unutrašnjih poslova Kantona Sarajevo u početnom činu "POLICAJAC"- 220 izvršilaca, na oglasnoj ploči i web stranici MUP-a Kantona Sarajevo, te u dvije dnevne novine koje se distribuiraju na području cijele BiH. Javni konkurs ostaje otvoren do 30.10.2025. godine.

Informacija o procedurama unapređenja policijskih službenika u neposredno viši čin u Upravi policije MUP-a KS

Čin „Glavni inspektor“

Shodno odredbama Pravilnika o uslovima, načinu bodovanja i proceduri za unapređenje policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", broj 45/20 i 47/20), Komisija za unapređenje policijskih službenika u čin "glavni inspektor" i "samostalni inspektor" (u daljnjem tekstu: Komisija), imenovana rješenjem Uprave policije Ministarstva unutrašnjih poslova Kantona Sarajevo, broj 02/5-1-30-1-2525 od 01.07.2025. godine, u periodu od 01.07. do 30.09.2025. godine, poduzimala je aktivnosti na provođenju procedure za unapređenje policijskih službenika u čin "glavni inspektor" kako slijedi:

- ✓ dana 31.07.2025. godine Komisija je objavila Interni oglas za unapređenje policijskih službenika u čin "glavni inspektor" - 5 (pet) izvršilaca, broj: 02/5-1-30-1-2525-2/25;
- ✓ dana 25.08.2025. godine nakon razmatranja svih dostavljenih prijava kandidata, Komisija je aktima broj 02/5-1-30-1-2525-9 i broj 02/5-1-30-1-2525-10 zatražila od nadležnih organizacionih jedinica podatke o postojanju sigurnosnih smetnji, kao i podatke o suspenzijama, mirovanju prava iz radnog odnosa i utvrđenom ograničenju, odnosno promjeni radne sposobnosti;



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

- ✓ dana 01.09.2025. godine Komisija je objavila Listu kandidata prihvaćenih za proceduru za unapređenje u čin "glavni inspektor", broj 02/5-1-30-1-2525-12;
- ✓ dana 15.09.2025. godine Komisija je objavila Konačnu listu kandidata prihvaćenih za proceduru unapređenja u čin "glavni inspektor", sa ukupno devet prihvaćenih kandidata, broj 02/5-1-30-1-2525-14;
- ✓ dana 17.09.2025. godine Komisija je objavila Obavijest kandidatima prihvaćenih za proceduru unapređenja u čin "glavni inspektor" o terminu održavanja pismenog testa, broj 02/5-1-30-1-2525-17;
- ✓ dana 29.09.2025. godine, Komisija je u prostorijama Sektora za policijsku podršku sa početkom u 12 sati održala pismeno testiranje kandidata, kao poseban kriterij za unapređenje, a kojem je pristupilo osam kandidata prihvaćenih za proceduru za unapređenje u čin "glavni inspektor";
- ✓ dana 30.09.2025. godine, aktima Komisije broj 02/5-1-30-1-2525-21 i broj 02/5-1-30-1-2525-22 od nadležnih organizacionih jedinica zatraženi su podaci o postojanju sigurnosnih smetnji, kao i podaci o suspenzijama, mirovanju prava iz radnog odnosa i utvrđenom ograničenju, odnosno promjeni radne sposobnosti kandidata u proceduri za unapređenje u čin "glavni inspektor".

Čin „Inspektor“

Komisija za unapređenje policijskih službenika u čin "viši inspektor" i "inspektor" formirana rješenjem Policijskog komesara broj: 02/5-1-30-1-2524 od 01.07.2025. godine i broj: 02/5-1-30-1-2524-2 od 07.08.2025. godine je u toku mjeseca septembra poduzimala aktivnosti u cilju provođenja Internih oglasa za unapređenje policijskih službenika u čin „inspektor“, na način da nakon što nije bilo prijedloga za posebno unapređenje, Komisija je otpremila na Pisarnicu MUP-a Kantona Sarajevo i oglasnim pločama organizacionih jedinica Uprave policije MUP-a Kantona Sarajevo Obavijest da nije bilo prijedloga za posebno unapređenje policijskih službenika u čin „inspektor“. Po objavljivanju Obavijesti, Komisija je pripremila nacrt Internog oglasa za unapređenje policijskih službenika u čin „inspektor“ br. 02/5-1-30-1-2524-11/25 od 30.09.2025. godine i Internog oglasa za unapređenje policijskih službenika u čin „inspektor“ br. 02/5-1-30-1-2524-12/25 od 30.09.2025. godine, koji su na dan 30.09.2025. godine otpremljeni na Pisarnicu radi objave na oglasnoj ploči MUP-a Kantona Sarajevo i oglasnim pločama organizacionih jedinica Uprave policije MUP-a Kantona Sarajevo. Isti će se objaviti na oglasne ploče na dan 01.10.2025. godine, a rok za podnošenje prijava je 15 dana i počinje teći narednog dana od dana objavljivanja Internog oglasa na oglasnoj ploči, odnosno od 02.10.2025. godine.

Čin „Mladi inspektor“

Komisija za unapređenje policijskih službenika u čin „mladi inspektor“ imenovana rješenjem Policijskog komesara br. 02/5-1-30-1-2522 od 02.07.2025. godine, u mjesecu julu prije raspisivanja Internog oglasa razmatrala je slučajeve posebnog unapređenja u navedeni čin. Budući da nije bilo prijedloga za posebno unapređenje u navedeni čin, Komisija je sačinila Obavijest koju je dostavila svim osnovnim organizacionim jedinicama Uprave policije kao i Pisarnici, radi objave na oglasnim pločama dana 28.07.2025. godine.

- ✓ Dana 28.07.2025. godine Komisija je objavila Interne oglase za popunu slobodnih radnih mjesta u činu „mladi inspektor“ (ukupno 4 oglasa) i to za popunu slobodnih radnih mjesta u Odjeljenju za saobraćajne istrage (1 izvršilac), Odjeljenju za privredni kriminal i borbu protiv korupcije (3 izvršioca), Odjeljenju za kriminalističku tehniku i forenziku (1 izvršilac) i Sektoru za policijsku podršku (6 izvršilaca).



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

- ✓ Nakon isteka roka za predaju prijava na Interne oglase (12.08.2025. godine) Komisija je u skladu sa odredbama Pravilnika o uslovima, načinu bodovanja i proceduri za unapređenje policijskih službenika Uprave policije Ministarstva unutrašnjih poslova Kantona Sarajevo ("Službene novine Kantona Sarajevo", broj 45/20 i 47/20), razmotrila prijave te je izvršila bodovanje posebnih kriterija za unapređenje koji se odnose na: ocjene rada, vrijeme provedeno u činu, disciplinske mjere izrečene policijskom službeniku, te efektivni radni staž u policijskom organu. Dana, 16.09.2025. godine Komisija je objavila Liste kandidata prihvaćenih za proceduru unapređenja i Liste kandidata koji nisu prihvaćeni za proceduru unapređenja u čin „mlađi inspektor“ po Internim oglasima za unapređenje policijskih službenika u čin „mlađi inspektor“ koji su objavljeni 28.07.2025. godine (4 Liste).
- ✓ Protekom roka za žalbu, a nakon što je utvrđeno da nije bilo izjavljenih žalbi Komisija je utvrdila i dana 26.09.2025. godine objavila:
 - Konačnu listu kandidata prihvaćenih za proceduru unapređenja u čin „mlađi inspektor“ - 1 izvršilac br. 02/5-1-30-1-2522-31/25 od 26.09.2025. godine na kojoj se nalazi 35 kandidata,
 - Konačnu listu kandidata prihvaćenih za proceduru unapređenja u čin „mlađi inspektor“ – 3 izvršioca br. 02/5-1-30-1-2522-32/25 od 26.09.2025. godine na kojoj se nalazi 60 kandidata,
 - Konačnu listu kandidata prihvaćenih za proceduru unapređenja u čin „mlađi inspektor“ – 1 izvršilac br. 02/5-1-30-1-2522-33/25 od 26.09.2025. godine na kojoj se nalaze 32 kandidata, i
 - Konačnu listu kandidata prihvaćenih za proceduru unapređenja u čin „mlađi inspektor“ – 6 izvršilaca br. 02/5-1-30-1-2522-34/25 od 26.09.2025. godine na kojoj se nalaze 53 kandidata.
- ✓ Nakon objave konačnih listi kandidata prihvaćenih za proceduru unapređenja u navedeni čin, Komisija je inicirala provođenje pismenog testa.

Čin „Stariji narednik“

Komisija za unapređenje policijskih službenika u čin „stariji narednik“, „narednik“ i „stariji policajac“, formirana rješenjem Policijskog komesara broj 02/5-1-30-1-2523 od 01.07.2025. godine, poduzimala je sljedeće aktivnosti na provođenju procedure unapređenja policijskih službenika u čin „stariji narednik“:

- ✓ Radi pokretanja procedure unapređenja policijskih službenika, komisija je zatražila dostavljanje eventualnih prijedloga za posebno unapređenje policijskih službenika u čin „stariji narednik“;
- ✓ Po dostavljanju obrazloženog prijedloga Policijskog komesara za posebno unapređenje 53 policijska službenika u čin „stariji narednik“, komisija je pristupila provjerama propisanim članom 25 stav (2) i (3) Pravilnika o uslovima, načinu bodovanja i proceduri za unapređenje policijskih službenika Uprave policije Ministarstva unutrašnjih poslova Kantona Sarajevo u vezi činjenica da li predloženi kandidati ispunjavaju propisane uslove za unapređenje.

6.2. Zakonitost u radu

U izvještajnom periodu Jedinica za profesionalne standarde, Odjeljenje za unutrašnju kontrolu evidentiralo je ukupno 63 predstavke na rad i ponašanje policijskih službenika Uprave policije, te su u 38 slučajeva vršene provjere, a u 21 slučaju vođena je unutrašnja istraga, dok je u četiri slučaja utvrđeno da nema osnova za vođenje unutrašnje istrage. Od 63 zaprimljene predstavke, 50 predavki je podneseno od strane građana, a 13 predavki predstavljaju saznanje iz službe.



U izvještajnom periodu okončano je 19 unutrašnjih istraga, od čega su četiri predstavke zaključene ocjenom "osnovana", dvije ocjenom "neosnovana", sedam ocjenom "bez dovoljno dokaza", i u šest slučajeva donesen je zaključak o prekidu internog postupka (unutrašnje istrage). U izvještajnom periodu nije bilo registrovano predstavki s obilježjem "korupcije".

Odjeljenje za unutrašnji nadzor, koordinaciju i usmjeravanje izvršilo je sedam vanrednih unutrašnjih nadzora.

Teža povreda službene dužnosti

U jednoj predstavi postoje osnovi sumnje da je jedan policijski službenik počinio težu povredu službene dužnosti iz člana 103. stav (1) tačka h) *Ponašanje koje narušava ugled policijskog organa, Zakona o policijskim službenicima Kantona Sarajevo.*

Lakša povreda službene dužnosti

U jednoj predstavi postoje osnovi sumnje da je jedan policijski službenik počinio lakšu povredu službene dužnosti iz člana 102. stav (1) tačka f) *Nekorektno i nepristojno ponašanje prema kolegama, zaposlenicima, pripadnicima drugih organa ili građana, Zakona o policijskim službenicima Kantona Sarajevo.*

U jednoj predstavi postoje osnovi sumnje da je jedan policijski službenik počinio lakšu povredu službene dužnosti iz člana 102. stav (1) tačka h) *Neizvršavanje, nesavjesno, neblagovremeno ili nepažljivo izvršavanje službenih zadataka bez težih posljedica, Zakona o policijskim službenicima Kantona Sarajevo.*

U jednoj predstavi postoje osnovi sumnje da su dva policijska službenika počinila lakšu povredu službene dužnosti iz člana 102. stav (1) tačka h) *Neizvršavanje, nesavjesno, neblagovremeno ili nepažljivo izvršavanje službenih zadataka bez težih posljedica, Zakona o policijskim službenicima Kantona Sarajevo.*

6.3. Finansije, nabavka opreme i materijalno-tehničkih sredstava

U izvještajnom periodu preduzimane su sve potrebne mjere i aktivnosti na obezbjeđenju neophodnih materijalno-tehničkih pretpostavki za uspješno obavljanje poslova i zadataka iz djelokruga rada Uprave policije Ministarstva unutrašnjih poslova Kantona Sarajevo. U skladu s odobrenim Budžetom Kantona Sarajevo za 2025. godinu, u izvještajnom periodu izvršene su sljedeće isplate:

Shodno, odredbama Kolektivnog ugovora između Vlade Kantona Sarajevo i Sindikata policije Kantona Sarajevo („Službene novine Kantona Sarajevo”, broj 4/24), Pravilnika o plaćama i naknadama državnih službenika i namještenika Ministarstva unutrašnjih poslova Kantona Sarajevo i Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 4/22, 8/22, 21/22, 46/22, 28/24 i 47/24), te Kolektivnog ugovora za državne službenike i namještenike u organima državne službe Kantona Sarajevo („Službene novine Kantona Sarajevo”, broj 51/23 i 30/24) izvršen je obračun i isplata plaća i naknada zaposlenicima Uprave policije za mjesec juni, juli i august 2025. godine.



6.4. **Javne nabavke Uprave policije MUP-a KS**

U Odjeljenju za materijalno opremanje i komercijalne poslove obavljane su aktivnosti koje se odnose na realizaciju nabavki roba i usluga za potrebe organizacionih jedinica Uprave policije.

6.4.1. Faze pokrenutih postupaka

U periodu juli-septembar 2025. godine, a shodno naprijed navedenom, na osnovu Plana javnih nabavki, u fazi pokrenutih postupaka su:

Otvorenog postupka

- nabavka opreme za proširenje digitalnog sistema radio veze;
- sukcesivna nabavka rezervnih dijelova za motorna vozila.

Ukupna vrijednost pokrenutih otvorenih postupaka javne nabavke iznosi **596.186,84 KM.**

Ograničeni postupak javne nabavke

- nabavka radarskih sistema (stacionarni radarski sistemi);
- nabavka policijske zaštitne opreme.

Ukupna vrijednost postupaka ograničenog postupka javne nabavke iznosi **1.711.423,35 KM.**

Direktni sporazum

- nabavka zamrzivača;
- nabavka kartica i potrošnog materijala (prazne kartice za štampu, film za laminaciju i dr.) za izradu službenih iskaznica.

Ukupna vrijednost nabavki pokrenutih putem direktnog sporazuma iznosi **4.018,25 KM.**

U izvještajnom periodu, provođene su određene faze postupaka javne nabavke roba i usluga, a koji su **u toku:**

Otvoreni postupak

- sukcesivna nabavka pogonskog goriva za motorna vozila;
- sukcesivna nabavka potrošnog kompjuterskog materijala;
- nabavka kancelarijskog namještaja.

Ukupna vrijednost otvorenih postupaka javne nabavke koja je u toku iznosi **2.132.412,14 KM.**

Ograničeni postupak

- nabavka vatrenog oružja i dijelova za vatreno oružje;
- nabavka municije;
- nabavka specijalne policijske opreme.

Ukupna vrijednost ograničenih postupaka javne nabavke koji su u toku iznosi **12.499.990,97 KM.**



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

6.4.2. Završeni postupci javne nabavke

Otvoreni postupak

- nabavka licenci;
- nabavka računara i računarske opreme;
- nabavka droga test-ampula (Drager drug test 5000 test kits);
- nabavka opreme i materijala za održavanje sistema radio veze;
- nabavka usluga osiguranja radarskih sistema i kućišta za radarski sistem s pratećom infrastrukturom;
- nabavka usluga produženja licenci;
- nabavka potrošnog materijala za krim-tehniku i daktiloskopsku laboratoriju;
- sukcesivna nabavka kancelarijskog materijala;
- nabavka dijelova uniforme za policijske službenike (LOT 1 - Klasične uniforme i LOT 5 - Službena obuća);
- nabavka motornih vozila za vožnju nekategorisanim putevima;
- sukcesivna nabavka usluga servisiranja motornih vozila;
- nabavka usluga kolektivnog osiguranja zaposlenika;
- nabavka sredstava za održavanje naoružanja.

Ukupna vrijednost završenih otvorenih postupaka javne nabavke iznosi: **2.059.100,55 KM.**

Ograničeni postupak

- zakup repetitorskih objekata, usluga održavanja i administriranja sistema za mjerenje brzine, kontrole i poštivanja svjetlosne signalizacije i analizu praćenja saobraćaja.

Ukupna vrijednost završenih ograničenih postupaka javne nabavke iznosi: **292.453,20 KM.**

Pregovarački postupak bez objave obavještenja o nabavci

- objavljivanje obavještenja u Službenom glasniku.

Ukupna vrijednost završenog pregovaračkog postupka bez obavještenja o nabavci iznosi **11.700,00 KM.**

Konkurentski zahtjev za dostavu ponuda

- nabavka usluga servisa uređaja za izradu fotografija.

Ukupna vrijednost završenih postupaka javne nabavke putem konkurentskih zahtjeva za dostavu ponuda iznosi **9.231,30 KM.**

Nakon provedenih postupaka u izvještajnom periodu realizovane su sljedeće javne nabavke roba i usluga male vrijednosti.

Direktni sporazum

- nabavka SIM kartice;
- nabavka usluga baždarenja tahografa;
- nabavka isušivača zraka;



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-055, Fax: + 387 (0) 33 562-210
Web: <http://skupstina.ks.gov.ba>
E-mail: skupstina@skupstina.ks.gov.ba



- nabavka vitaminsko-mineralnih dodataka u hrani za službene pse;
- nabavka usluge Produkcije - foto i video snimanja, obrade i montaže za Ceremoniju polaganja zakletve kadeta;
- nabavka posebne odjeće;
- nabavka kartica i potrošnog materijala (prazne kartice za štampu, film za laminaciju i dr.) za izradu službenih iskaznica;
- nabavka zamrzivača.

Ukupna vrijednost realizovanih nabavki putem direktnog sporazuma iznosi **13.802,05 KM**.

Postupci okončani poništenjem postupka javne nabavke

- Nabavka dijelova uniforme za policijske službenike LOT 2 - Svečana uniforma, LOT Uniforma za rad u inostranstvu i LOT 4 - Uniforma za motocikliste;
- sukcesivna nabavka usluga servisiranja motornih vozila za LOT 3- Peugeot.

6.4.3. Zaključeni ugovori

Nakon donošenja odluke Policijskog komesara o odabiru najpovoljnije ponude, kao i na osnovu okvirnih sporazuma koji su zaključeni u ranijem periodu, u izvještajnom periodu Policijski komesar je u ime ugovornog organa, zaključio okvirne sporazume i ugovore po okvirnim sporazumima:

- sukcesivna nabavka kancelarijskog materijala LOT 1- Papir i papirna konfekcija;
- nabavka štampanog materijala LOT 1, LOT 2 i LOT 3;
- sukcesivna nabavka usluga servisiranja motornih vozila LOT 3 FORD, LOT 4- ŠKODA, LOT 6 – NISSAN;
- sukcesivna nabavka akumulatora, sijalica i drugog potrošnog materijala za motorna vozila LOT 1- akumulatori;
- sukcesivna nabavka rezervnih dijelova za motorna vozila LOT 3- Toyota;
- sukcesivna nabavka pogonskog goriva LOT 6;
- sukcesivna nabavka potrošnog materijala za fotolaboratoriju.

Ukupna vrijednost zaključenih ugovora po osnovu okvirnih sporazuma iz ranijih perioda iznosi **527.418,13 KM**.

Nastavljena je realizacija ranije zaključenih ugovora za sukcesivne isporuke roba i usluga. Nabavke roba i usluga vrše se u skladu s odredbama Zakona o javnim nabavkama ("Službeni glasnik BiH" broj: 39/14, 59/22 i 50/24) i Pravilnikom o javnim nabavkama Uprave policije Ministarstva unutrašnjih poslova Kantona Sarajevo ("Službene novine Kantona Sarajevo" , broj 44/23). Tokom izvještajnog perioda, na osnovu mjesečnih trebovanja kancelarijskog materijala, obrazaca, zaštitnih i dezinfikacionih sredstava i raznog potrošnog materijala, koje su dostavljale organizacione jedinice Uprave policije, blagovremeno je vršeno njihovo distribuiranje krajnjim korisnicima, vođene su knjigovodstveno-magacinske i druge potrebne evidencije o stanju svih roba u magacinima.



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

6.5. Izvještavanje, zaštita tajnih podataka i informisanje javnosti

U skladu s odredbama Instrukcije o hitnom, tekućem, povremenom i statističkom izvještavanju Uprave policije MUP-a Kantona Sarajevo, preduzimao sam mjere na organizaciji i funkcionisanju jedinstvenog sistema izvještavanja i obrade podataka neophodnih za vršenje poslova iz nadležnosti Uprave policije, a prilikom obrade podataka postupa se po uspostavljenom sistemu zaštite ličnih podataka, kao i po dostignutom stepenu razvoja sistema zaštite tajnih podataka. U vezi s navedenim, u izvještajnom periodu, naložio sam sačinjavanje sljedećih akata:

- statistički podaci (KD, KT, PR, AP, OR, BS-1, BS-2, BS-3, BS-4, BS-5, PE, UP, AG, ONPEM, OOR, SM, KD1, KD2, KD-SiD i MP) za mjesec juni, juli i august 2025. godine) i dostavljeni Federalnoj upravi policije;
- statistički podaci za period januar – juni 2025. godinu i dostavljeni Federalnoj upravi policije;
- Informacija o aktivnostima Uprave policije i MUP-a Kantona Sarajevo za mjesec juni, juli i august 2025. godine;
- Informacija o aktivnostima Uprave policije i MUP-a Kantona Sarajevo za period januar – juni 2025. godine;
- pregled lica izvršilaca teških krađa motornih vozila na području Kantona Sarajevo za mjesec juni, juli i august 2025. godine, za potrebe Sektora kriminalističke policije;
- statistički podaci o broju registrovanih događaja s obilježjem krivičnog djela iz člana 189. 189a. KZ BiH na području Kantona Sarajevo za period januar – juni 2025. godine za Ministarstvo sigurnosti BiH;
- tabelarni pregledi statističkih pokazatelja kriminaliteta, javnog reda i mira i saobraćaja u periodu april – juni 2025/24. godina (II kvartal 2025/24. godine) za Ured policijskog komesara;
- statistički podaci o zloupotrebi opojnih droga na području Kantona Sarajevo za period juni, juli i august 2025. godina za izradu Strategije za prevenciju i zloupotrebu narkotika u Kantonu Sarajevo za potrebe Sektora kriminalističke policije.

Izvršena je 14.301 provjera iz službenih evidencija za potrebe tužilaštava, sudova, drugih policijskih agencija i drugih organa. Pokrenuto je 20 upravnih postupaka brisanja osuda iz kaznene evidencije. Na zahtjev građana izdato je 2.971 uvjerenje o činjenicama iz kaznene i prekršajne evidencije. Donesena su 44 rješenja o brisanju osude iz kaznene evidencije.

U oblasti zaštite tajnih podataka, za uposlenike Uprave policije donijeto je ukupno 36 rješenja o nepostojanju sigurnosne smetnji za pristup tajnim podacima, jedno rješenje o zabrani pristupa tajnim podacima, dok nije bilo rješenja o postojanju sigurnosne smetnje za pristup tajnim podacima.

Za ukupno pet uposlenika pokrenute su procedure na popunjavanju sigurnosnih upitnika, dok su prema Državnoj agenciji za istrage i zaštitu upućeni zahtjevi za vršenje sigurnosnih provjera za 158 uposlenika, a prema Obavještajno-sigurnosnoj agenciji BiH upućeni su zahtjevi za vršenjem sigurnosnih provjera za devet uposlenika.

Ministarstvu sigurnosti Bosne i Hercegovine – Sektor za zaštitu tajnih podataka, upućeni su zahtjevi za izdavanjem dozvola za pristup tajnim podacima za ukupno 151 uposlenika.



Bosnia and Herzegovina
Federation of Bosnia and Herzegovina

**CANTON SARAJEVO
ASSEMBLY**

Policijski komesar je tokom izvještajnog perioda nastavio dobru saradnju s medijima u Bosni i Hercegovini i inozemstvu, koji su objavili veći broj vijesti u vezi sa stanjem javnog reda, kriminaliteta i sigurnosti saobraćaja na području Kantona Sarajevo, čime je osiguran zadatak i cilj Uprave policije da objektivno, tačno i precizno informiše javnost o svim sigurnosnim događajima. Tokom izvještajnog perioda, u ovoj oblasti preduzeo sam sljedeće:

- naložio objavu 358 dnevnih vijesti (dnevni bilteni),
- naložio objavu 35 saopštenja za javnost,
- odobrio davanje 232 izjave za medije,
- dao saglasnost za učestvovanje u TV i radio emisijama u 17 slučajeva, te rješavanje 145 zahtjeva medija za pisanim informacijama.

Zaprimljeno je 550 zahtjeva u skladu sa Zakonom o slobodi pristupa informacijama. Provedeno je 616 upravnih postupaka.

Istovremeno je dat nalog da se u formi posebnih saopštenja i/ili objava i informacija, isprate i promoviraju druge aktivnosti u Upravi policije i Ministarstvu. Kroz media monitoring, ukupno su evidentirane 4.562 medijske objave. Inicirao sam ažuriranje web-prezentacija MUP-a Kantona Sarajevo, tako da su aktivnosti izvršavane redovno i dinamikom diktiranom tekućim događajima.

6.6. Migranti

U izvještajnom periodu usmjeravan je rad Operativnog tima za pitanje migranata u rješavanju problematike uzrokovane boravkom i kretanjem migranata na području Kantona Sarajevo. Policijski službenici Uprave policije izvršili kontrolu 110 migranata od kojih je četvero lišeno slobode, 41 osoba predata Službi za poslove sa strancima. Evidentirano je počinjenje pet krivičnih djela (imovinski delikti i zloupotreba narkotika).

Prema dostavljenim podacima IOM-a, zaključno s 30. septembrom 2025. godine na području Kantona Sarajevo boravi oko 488 migranata, što je za 37% manje u odnosu na uporedni period.

7. Edukacija

Na osnovu planiranih aktivnosti Planom i programom stručnog usavršavanja policijskih službenika Uprave policije Ministarstva unutrašnjih poslova Kantona Sarajevo za 2025. godinu, kroz programe internog i eksternog stručnog usavršavanja policijskih službenika realizovani su moduli stručnog usavršavanja policijskih službenika Uprave policije za 2025. godinu, kroz koje je prošlo ukupno 338 policijskih službenika i to:

- program internog stručnog usavršavanja – 307 policijskih službenika,
- program eksternog stručnog usavršavanja – 31 policijski službenik.



7.1. **Program internog stručnog usavršavanja**

U izvještajnom periodu provedeni su programi internog i eksternog stručnog usavršavanja uposlenika Uprave policije Kantona Sarajevo.

8. Rad policije u zajednici

Tokom izvještajnog perioda Policijski komesar je dao saglasnost i konkretne upute policijskim službenicima iz Odjeljenja za prevenciju maloljetničkog prijestupništva, nasilja u porodici i rad policije u zajednici za preduzimanje potrebnih aktivnosti u cilju uspostavljanja bolje saradnje s građanima, mjesnim zajednicama, školama, predstavnicima vjerskih zajednica, udruženjima građana i nevladinim organizacijama. Policajci u zajednici su svakodnevno na terenu, te kroz proaktivno prisustvo i lične kontakte s građanima, socijalnim radnicima, pedagozima, direktorima i drugim osobljem javnih ustanova i mjesnih zajednica, nastoje stvoriti povoljniji ambijent za život svih kategorija stanovništva, a posebno za manjinske grupe i vulnerabilne kategorije stanovništva. Također, policajci u zajednici su svakodnevnom prisustvom na terenu, redovnim obilascima objekata gdje je povećano prisustvo građana, radili na prevenciji izvršenja krivičnih djela, narušavanja javnog reda i mira, te drugih prekršaja. Inspektor za prevenciju maloljetničkog prijestupništva je ostvarivao redovnu komunikaciju s tužiocima za maloljetnike Kantonalnog tužilaštva Kantona Sarajevo, kao i istražiteljima za maloljetničko prijestupništvo Uprave policije MUP-a KS, Službama za socijalnu zaštitu KS, kao i vladinim i nevladinim sektorom uključenim u rad s djecom i maloljetnicima.

Odjeljenje za prevenciju maloljetničkog prijestupništva, nasilja u porodici i rad policije u zajednici sačinilo je Plan i program stručnog usavršavanja policijskih službenika Uprave policije MUP-a Kantona Sarajevo iz oblasti rada policije u zajednici: "Standardizacija izvođenja edukativnih radionica za učenike osnovnih i srednjih škola u Kantonu Sarajevo", provedba "Smjernica/scheme komunikacije multisektorskog postupanja u iznenadnim, kriznim događajima u odgojno-obrazovnim ustanovama u Kantonu Sarajevu" i "Standardizacija izvještavanja policijskih službenika". Stručno usavršavanje za policijske službenike je planirano za oktobar 2025. godine.

Policijski službenici Odjeljenja za prevenciju maloljetničkog prijestupništva, nasilja u porodici i rad policije u zajednici realizovali su, između ostalog, sljedeće:

- Dana 09.07.2025. godine prisustvovali 13. sjednici Koordinacionog tijela za prevenciju i borbu protiv nasilja u porodici i nasilja nad ženama u Kantonu Sarajevo;
- Dana 06/07.08.2025. godine učestvovali u radu „Radionice o izradi podzakonskih akata u nadležnosti policije u skladu sa Zakonom o zaštiti od nasilja u porodici i prema ženama u FBiH“;
- Dana 27.08.2025. godine učestvovali na završnoj konferenciji "Smanji rizik – Povećaj sigurnost žena žrtava nasilja", u organizaciji Centra ženskih prava uz podršku UNDP-a.
- Dana 28.08.2025. godine bili organizatori okruglog stola o temi "Procjena rizika od strane policijskih službenika" na kojem su učestvovali predstavnici JU Kantonalni centar za socijalni rad, JU Dom zdravlja KS, Fondacije lokalne demokratije i Općinskog suda Sarajevo;
- Dana 23.09.2025. godine prisustvovali završnoj konferenciji "Projekat jačanja tužilačkih kapaciteta", u organizaciji VSTV BiH;

- Dana 30.09.2025. godine prisustvovali sastanku Tima za izradu i implementaciju Akcionog plana za prevenciju maloljetničkog prestupništva i rad sa maloljetnicima u kontaktu s pravosudnim sistemom u Kantonu Sarajevo od 2024. do 2028. godine;
- Dana 09.07.2025. godine prisustvovali 15. sjednici Koordinacionog tijela za prevenciju i borbu protiv nasilja u porodici i nasilja nad ženama u Kantonu Sarajevo.

Tokom izvještajnog perioda realizovane su sljedeće aktivnosti iz nadležnosti rada Odjeljenja za prevenciju maloljetničkog prijestupništva, nasilja u porodici i rad policije u zajednici kroz realizaciju edukativnih radionica u predškolskim obrazovnim ustanovama i osnovnim školama u Kantonu Sarajevo, i to kako slijedi:

- 53 edukativne radionice o temi „Dijete u saobraćaju“ za 2.875 učenika osnovnih škola;
- 06 edukativnih radionica o temi „Stop vršnjačkom nasilju“ za 743 učenika i roditelja osnovnih škola;
- 33 edukativne radionice o temi „Cyberbullying“ za 1.704 učenika osnovnih škola;
- 01 edukativna radionice o temi „Cyberbullying“ i „Vršnjačko nasilje“ za 30 djece predškolskog uzrasta;
- predavanje za 50 djece uzrasta od 07 do 14 godina o temi „Edukacija djece o sigurnosti u saobraćaju, pravilima ponašanja u javnom prostoru i ulozi policije u zaštiti građana“, u saradnji sa JZS;
- realizovane su dvije posjete učenika OŠ „Zahid Baručija“, Vogošća;
- učešće policajaca u zajednici na manifestaciji „Ilijaški dani 2025“ – razgovor s posjetiocima i podjela edukativnog materijala o temi prevencije društveno-neprihvatljivih ponašanja i sigurnosti u saobraćaju, u saradnji sa PS Ilijaš.

Tokom izvještajnog perioda ostale aktivnosti policajaca u zajednici su realizovane kako slijedi:

- policajci u zajednici su održali 13 multisektorskih sastanka u odgojno-obrazovnim ustanovama Kantona Sarajevo;
- 02 koordinacijska sastanka pedagoga, psihologa i socijalnih radnika na području Kantona Sarajevo;
- 18 sastanka s predstavnicima mjesnih zajednica.

9. Evidentirani pozivi javnih ustanova u KS – zahtjevi za intervenciju

Policijske uprave policije MUP-a Kantona Sarajevo u izvještajnom periodu su evidentirale 289 zahtjeva za intervenciju/asistenciju od strane javnih preduzeća. U svim slučajevima policijski službenici Uprave policije su izašli na teren.

**PREDSJEDAVAJUĆI
NEZAVISNOG ODBORA**

